



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Hornsleti In Ivtia.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

Noruegia vt Dano pareat imperio,
 Et matris, tanta regnantis laude, triumphus
 In Suetos, toto notior orbe foret.
 Inter auum & proauum nunc Soræ corpore condet
 Ohaus, cali lumine mente tegor.
 Atqui me, ob similes vultus, se finxit eundem
 Nutricis ludens arte, doloq; mea,
 Falsurbodensi cineres commiscet arena,
 Supplicium in ficto corpore vt ignis agit.



HORNSLETTI IN IVTIA.

DN. GEORGIUS ROSENKRANTZ, &c.
 de seipso loquitur.

CVrarum satur, & rerū quas mundus adornat,
 Hoc viuus mihi delegi struxiq; sacellum,
 In quo tranquilla post fata quiete potirer:
 Voce sua Christus dum me reuocaret, & omni
 Crimine mundatum cælesti in sede locaret.

Ergo valete arces, & opima iugera terre:
 Aula vale: valeant regum quos nomine honores,
 Et patria gessi, cui si satis vtilis esse
 Haud potui: studui certè mundana valete
 Omnia sed Christus mihi custos vnicus adsit;
 Hic mihi solus amor, spes, lucrū, honor, omnia solus

At tu qui terra post me dominaberis isti,
 Parce mihi, nec sis defuncto iniurius, ipse
 Qui viuus ne vel minimo grauis esse cupiui.
 Scito sed ad metam hanc ipsam te tendere, eoq;

Disce

*Disce mori, dum vita placet. properè omnibus instat
Mors hodierna mihi, tibi crastina fortè futura.*

MEMORIAE D. OTHONIS G. F. RO-
SENCRANCII.

Othoni Rosencrancio, Georgij Equ. splendidiff.
& inter proceres regni Daniæ eximij, filio: iuveni
pio, bene morato, docto, ab omni luxuria & fastu
alieno: & quod rarum huic ætati est, mortis per-
petuò memori. qui præcipuis vtriusque Germaniæ
urbibus & Academijs perlustratis, in patriam vix
reuersus, sibi ipsum iuuentutis florem suorum ex
oculis, non memoria, sublatus est. Anno Chri-
sti CIO. IO. IIXCII. die VII. Martij. AEtatis
suae XXI.

*Cultor OTHO à teneris sincerus numinis annis,
Musarum decus & patriæ pia cura Georgi,
Hoc sua deposuit ROSECRANCIVS ossa sacello,
Cum tria compleisset vix dum septennia primis
Dania litterulis hunc imbuit, addidit artes
Et linguas Varnus: Scaldis, Nicer, Isula, Rhenus
Iudicium & mores ita formauere, senile
Vt quiddam viridi iam conspiceretur in auro.
Optatos hinc sperabat sibi patria fructus,
Sperabant Rex & proceres, clarique parentes.
Verum aliter Domino placuit, qui noluit isti
Tot spinas instare Rosa, & mox leniter vngue
Somnifero auulsam cælestibus intulit hortis,
Pars vbi sidereæ nulli euellenda corona est.*

Obdormiuit anno CIO. IO. IIXCII. mensis
Martij, die VII. hora VIII. anno ætat. XXI.
Georg. Rosencrantz, & Dorothea Langia pa-
rentes

rentes mœstiff. filio desideratiffimo, in spem
latiff. resurrectionis, cum lacrymis PP.

ALIVD BREVIUS.

*Dania dat patriam, Roscrantia nomen OTHONI
Nobile gens: puerum pietas formavit: in vrbes
Teutonia eximias Charites duxere: reuersum
Mors rapuit: requiem exuujs hic terra; beata
Lumina dat menti Christus; noua gaudia calum.
Illius exemplo vel in ipso flore iuuenta
Disce mori. humana summa hæc sapientia vita est.*

INSCRIPTIONES ARCIS VRANI-
BURGICAE à TYCHONE BRAHEO,
anno M. D. LXXVI. primum
inchoata.

FRIDERICO II. in Dania regnante, Caro-
lus Danzæus Aquitanus R. G. I. D. L. domui huic
Philosophiæ, in primisque astrorum cõtemplatio-
ni Regis decreto à nobili viro Tychone Brahe,
Ottonis F. extractæ, votiuum hunc lapidem, me-
riæ & felicitis auspicij ergò, anno M. D. LXXVI.
VI. Augusti Pos.

Quod etiam hi versus testantur.

*Tempore quo regnum, qui nomine regis, secundus,
Danorum, imperio Rex Fridericus habet,
Carolus, ad Danos Galli legatio Regis,
Danzæus, quem orbi terra Aquitana tulit,
Huic domui, Vrania & Sophia quã Tycho Brahorum
Clara stirpe satus, Rege iubente, struit.
Hunc lapidem, auspicio felici, utq; omne per æuum
Augusti id memoret lux modo sexta, locat.*

D. O. M.

D. O. M.

Astronomiam, scientiarum omnium antiquissimam & præstantissimam, diu quidem multumq; cultam, nondum tamen solidè constitutam, aut à mendis vindicatam animaduertens, ei instaurandæ perficiendæque varia eademque exacta adinuenit construxitque organa, ad omnimodas cælestium corporum obseruationes sufficientia, labore, diligentia, impendio incredibile, quæ partim proxima eandem ob causam ex ædificata arce Vraniburgo: partim hisce cryptis, ad constantiorem & opportuniorem vsum disposuit: tibi que ò inclyta, omnino successura posteritas, hunc thesaurum rarissimum & præciosissimum commendans, dicans, consecrans, vt in æterni Dei, admirandæ cælestis machinæ opificis gloriam, artisq; diuinæ propagationem, ac patriæ honorem perpetuò conserues, nec vetustate, aliòve incommodo collabascere, aut aliorum transferri, vel quocunque modo violari sinas. Si nihil aliud, authoris saltem vniuersi vindicem reuerens oculum.

Qui ea cuncta in hac Insula inchoauit & absoluit, hoc monumento posito, te rogat & obtestatur.

TYCHO BRAHE O. F.

Haue, qui hac legis, faciùq;, & vale.

 IN HYPOCAUSTI HOROLOGIO MAIORI.

*Tempora circuitu cælum fugientia voluit,
Nec modo præteriens hora redire potest.
Temporibus totus fugitiuus clauditur orbis,*

Præterit

Præterit & toto quicquid in orbe viget.
 Ergo quid expediet mundi fugitiua figura,
 Cur his conformes, qua peritur a sumus?
 Est aliud quod nos cælum expectatq̄, vocatq̄;
 Idq̄, æuo, aspectu, limitibusq̄, caret.
 Ioua vbi sol ipse est. similatq̄, Ecclesia lunam,
 Angelico stellis conueniente choro.
 Huc huc tendamus. manet illic patria vera.
 Nec mundi immundi nos remoretur amor.

TYCHO BRAHE O. F.

IBIDEM.

Hoc vallum, & molendinum papyraceum, cum
 omnibus adiunctis artificijs, & superius dispositis
 piscinis, hic vbi nihil tale antea extitit, instanti
 ordinatione & sumptibus proprijs, patriæ, sibi, &
 posteris.

Tycho Brahe O. F. de Knudstrup. F. F.
 Incepit anno 1590. compleuit 1590.

IN TEMPLO HELSINBUR-
 GENSI.

Exunias abiens tulit huc KIRSTIN Atenellus,
 Quæ Brabæi olim nata Tychonis erat.
 Illa quidem modicum mundi fuit incola tempus,
 Interea modicis non tamen aucta bonis.
 Ingenio sexum superauit, moribus annos,
 Eloquij grata dexteritate pares.
 Ergo hanc, quæ dederat subito natura, recepit,
 Consuetus maius ne quid adulta foret.
 Vixit at illa tamen: nature obstacula vicit;
 Pro modico æternum tempore tempus habet.

AEth

VVESBVII IN SCANIA. 541

*Aetherisq, potita bonis, mortalia temnit,
Per Christum gratis confociata polo.
Obijt peste anno 1576. Septembr. die XXIV. Vixit
hic in terris saltem annos duos, menses II. dies
II. horas II.*

VVESBVII IN
SCANIA.

*CLAVDIVS hic parua requietus clauditur arca,
Cui viuo in toto non foret orbe quies.
Hunc natura semel terris monstravit, at illis
Concessit saltem sex superesse dies.
Vt tener & leuior mortali labe solutus
Ad superos nullo pondere tardus eat.
Tempora pro modicis vbi nunc aeterna diebus
Obtinet, & gratis pace potitus ouat.
Claudio dilecto filio vnicam septimanam in tera
ris non complenti pater Ingens F. & P. An
no 1576.*

CIMBRICA.

IN ARCE ILLUSTRIS. D. HEN-
RICI RANZOVII VICARII
Regij,

BREDEMBERGAE.

INSCRIPTIO PORTAE.

Si nihil adificas, qui spectas nostra, viator,
Aut mea ne carpas, aut melior a struas.

M m

Si me=